

SANITÉ: En lõnesc, 01 d'aurí, é l'ambulatory dila doturia Grete Mahlknecht a San Martin stlüt dales 10.00 – 12.00. Tl caje de bojègn podèise jí tl ambulatory a Lungiarü dales 8.15 - 9.15 o a La Val dales 15.00 - 17.00

SAN MARTIN: En sabeda y en domènia ai 6 y 7 d'aurí vègnel trat ite dala mëssa prefestia y dala gran mëssa l'oferta por curí les spèises ch'i un albü en chësc invern da scialdé la dlíja y la calonia.

La festa di maridá iubilars ne vègn en chësta ota nia tignida la domènia blancia mo la domènia di 22 d'otober.

Le Sorvisc ai Jogn Val Badia lascia alsavèi che por le proiet "Isté Deboriada" él te chisc paisc ciamo n valgügn posc lèdi: Lungiarü dai 29.7.19 ai 2.8.19 y dai 5.8.19 ai 9.8.19, Antermèia dai 8.7.19 ai 12.7.19 y dai 15.7.19 ai 19.7.19. Iscriziuns pon fá sön la plata di proieci www.proiec.org: login da pert dl genitur, selezioné le môt che é bele scrit ite y mète lapró l'edema che é a desposiziun. Por chi che ó él ince la poscibilité da se scrí ite cherdan sò te nosc ofize 0474 523 070 (orars d'ofize: dal lõnesc ala jöbia dales 8.00 ales 12.00).

Le Cor Kyrios cun le Vinzenter Knabenchor acompagná da na orchestra de 30 componënc y na band, sot ala direziun de Andrea Tasser, inviëia a so concert gospel „Hymns of worship”: en vëndres (12/04) dales 20.00 y en domènia (14/04) dales 18.00 tl Parzivalsaal dl Vinzentinum y en mercui (17.04) dales 20.00 tla Ciasa dla Cultura a La Ila. Düc é dër bel inviá!

En sabeda, ai 6 d'aurí, dales 11.30, inviëia La Costa family Foundation, la Spona y la OEW a na marëna tl hotel Ladinia a Corvara. Le davagn vá a deplü opres de bëgn. Prenotaziuns 0471 843 060 (Spona) o 0472 208 209 (OEW)

La Uniun dl Teater da San Martin inviëia al teater incö domènia (31/03), mercui (03/04) y en sabeda (06/04), vigni iade dales 20.00, y spo ciamó en domènia (07/04) dales 15.00; prenotésse 333 47 68 558, por sms o whatsapp

Invit al concert de musighes baroches en domènia ai 7 d'aurí dales 20.30 tla dlíja d'Al Plan cun Angela Palfrader y Margareth Huber (vidores), Renzo Huber (tenor) y Simon Brandelchner (orghe).

Orar nü da aurí inant dla Portina por assistënza y cura tl Raiun Sozio-Sanitar: L'ofize dla portina por l'assistënza y cura, tl'alzada a tera é davert da aurí inant trëi iadi al'edema: le lõnesc dales 14.00 - 16.00, le mercui y la jöbia dales 10.00 – 12.00; tel. 0474 586 123 tratan chisc orars.

Le grup de sorvisc dá informaziuns sön düc i sorvisc che vègn pitá y dèida fá de vigni sort de domandes y d'atres pratiches burocratiches.

La portina da tó jö sanch ne müda nia orar y é daverta lõnesc, mercui y vëndres dales 7.45 – 8.30.

La Repartiziun Prestaziuns ex Krankenkasse é daverta lõnesc, mercui y vëndres dales 9.30 – 12.45, dedolõnesc y jöbia dales 8.00 ales 12.45.

Döt le bun a chi che complësc i agn d'aurí

a San Martin Sepl Unterweger che nen complësc 90 ai 24
Anna Penazzi Ferdigg che nen complësc 81 ai 28

a Lungiarü Lidvina Costa Clara che nen complësc 96 ai 8
Berta Clara Mischi che nen complësc 86 ai 20
Amalia Rives Mischi che nen complësc 85 ai 23



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

31.03. – 7.04.19 nr. 18

ultimo termo por comunicaziuns: jöbia dales 20.00
radio: 90,40 / 93,70

4ª DOMÈNIA IA DE CARSÈMA - C

Vangele do Lüca 15,1-3,11-32

Dlun saltan ti él jü adincuntra, ti é saltè incër le col y l'à bajè. Y le fi à dit:
Pere, i à fat picé cuntra le cil y cuntra tè;
i ne sun nia plü dëgn de ester to fi.
Mo le pere ti à dit ai fané: Jide debota
a tó la plü bela iesta y vistidila,
metedi n anel tla man y vistidi i cialzà.
Jide a tó le videl miorè y tolédele ia;
i orun mangé y fà gran festa.
Deache mi fi é mort y vir indô;
al é pordü y é indô gnü ciafé.



Cuntra la usanza da laota, ghira le fi plü jon súa pert dl'arpejun por jí a se gode la liberté. Magari s'aspetassun che le pere le deaconsiass o ti fajess almanco n per de racomanaziuns. Mo le pere ti dá súa pert y le lascia jí.

Canch'al á desmandré döt y vègn indô a ciasa ti saltel adincuntra y comana da ti fá na festa. Al n'é nia ofenü, al ne ti tira dant nia, ne ti dá degöna leziun, ne ti mèt degönes condiziuns. Indô s'astila le pere döt atramënter co ch'i s'al imaginassun.

Y spo él ciamó chiló le fi plü vedl che é dessené por la ligrëza dl pere y ti tira dant so comportamënt iniüst. Mo ince defrunt a chësc fi ne fej le pere nia varëi súa autorité. Al ne le sforza nia da festejé impara, al l'inviëia ma. Al ti lascia la libertá da tó pert o no. La parabola nes mostra: Chël Bel Dî é döt atramënter.

Le fre plü vedl n'é dessigü nia tl tort sc'al se lascia sò:

Chiló él mia so, che á dagnora salpü da ti fá les beles y á ciafé cotan deplü d'arpejun co iö. Chiló él mi fré che n'á sparagné nia y ti les á fates ai geniturs do ia, y vègn impó tut sò vigni iade cun ligrëza tan inant ch'al se lascia odëi. Spo él mi compagn de laur che sá da ti an jí al patrün deperpo ch'al se tira indlunch sotfora . – Chël invidius sunse datrai ince iö, no pa?

	SAN MARTIN	LUNGIARÜ	UNITÉ PASTORALA  Vire la Carsëma: 4^a domënia Vangele Lûca 15 1-3.11-32 Dlun saltan ti él jü adincuntra, ti é salté incër le col y l'á bajé Impuls: I prô da fá le pröm vare
31.03.19 (ora da d'isté) 4 ^a DOMËNIA DE CARSËMA – C Domënia di Seminars	9.00 Les Staziuns 9.30 GRAN MËSSA dla Comunité Oferta por le Kassianswerk	7.55 Les Staziuns 8.15 GRAN MËSSA dla Comunité Oferta por le Kassianswerk 14.00 Bato de Natan Sorà	
01.04.19 Lönesc Irene, Hugo, Gilbert		16.30 Les Staziuns	
02.04.19 Dedolönesc Francësch de Paola	9.30 Mëssa tla Ciasa de Palsa cun zelebrazion dl Öre Sant	7.30 Zelebrazion dla Parora de Dî	
03.04.19 Dedemesaledema Richard, Elisabeta	18.00 Les Staziuns	7.30 Mëssa + Vito Clara + Anastasia Schanung	
04.04.19 Jöbia Francësch y Iazinta, Isidor	7.30 Mëssa + Giovanni Tavella + Pire Unterweger Corona por vocaziuns		
05.04.19 Pröm vëndres Vinzenz Ferrer, Crescenzia	Comuniun ai amará Sö Oies deboriada cun le Vësko: 17.30 Consulënza individuala (cun confesciun) 19.00 Ora d'adoraziun organisada dai Jogn 20.00 Oraziun y Eucaristia	7.00 Adoraziun 7.30 Mëssa por fam. Planatscher + Anna Chiusura Comuniun ai amará	
06.04.19 Sabeda Zelestina, Prudenzia	15.30 Mëssa tla Ciasa de Palsa 18.30 Mëssa pefestia dl ann + Albert Trebo dl Tasser + Giovanni Flöss y defunc de rengraz. fam. Martina y Thomas Zingerle Oferta por scialdé la dlijia	20.00 Mëssa pefestia 3 ^a de sopoltöra de Heinrich Frenademetz + Carlo Planatscher + Iaco Mischí	
07.04.19 5 ^a DOMËNIA DE CARSËMA – C	9.00 Les Staziuns 9.30 GRAN MËSSA dla Comunité Oferta por scialdé la dlijia	7.55 Les Staziuns 8.15 GRAN MËSSA dla Comunité	
INVIT: GNIDE DÜC – INCE CUN I MITUNS - EN VËNDRES SÖ OIES A PERIÉ CUN LE VËSCO ! Le Ploan			



Jö sot toma le fi,
cina jö tla stala di porcí,
bëgn ince por süa colpa.
De chësc él cosciënt
mo al spera da gní salvé.
Al ne sá nia coch'al
gnará tut sö do la tomada.
Al ti vëgn pordené,
al vëgn tut sö cun amur,
zënza ch'al s'al ess mirité,
zënza ch'al s'al ess aspeté.
Nia da crëie.
Nia da crëie, tan bel !

